

الحلو زمان

كان زمان الحلو
زي القمر
يضوي في كل مكان
خطاوي جميلة
مغرم أنا بيها
شموخ رباني
والعود غزلاني
البنت كانت زمان
ضحكة في المعقول
غمازة بجمال بتقول
تفاح على خدودها
بكسوفها والخجلان
بدر منور سبحان من صور
البساطة روحها فيها
المحبة بتحليها
الأصل كان احترام
تربية ومبادئ ونظام
واتغير الزمان ويا ريته دام
فلت اللجام

يا دنيا

يا دنيا علمتينا
الحب مش كلمة بسيطة
وطريقه محتاج خريطة
الحب عذاب وحيرة
وأحلى ما فيه الغيرة
نقول جميل يولع فتيل
يتولد حب ملوهش مثل
بس القلوب اتغيرت
والثوابت اتكسرت
القلب انخدع
انكسر اتوجع
وآه من الوجع
ندور ع البديل
يطلع الحمل تقيل
قدر مكتوب يا دنيا
تكسري القلوب في ثانية
ضربة قوية من غير حنية
رميك يا دنيا زلط
ولا احنا اللي فينا الغلط؟